



Indgået

- 1 JUNI 2018

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

Inatsisartuni ilaasortaq, Emanuel Nuko
-/ Maani

§ 37 naapertorlugu apeqquteqaammut nr. 82-2018 Tunumi pisassiissutitut tunngasumut akissuteqaat

Inatsisartut suleriaasissaanni § 37-mi imm. 1 naapertorlugu apeqqutininik Naalakkersuisunut nassiusaqarsimavutit, Tunumi pisassiissutit pillugit. Apeqqutitit uanga suliaasaqarfigisannut akisassanngortinneqarsimapput.

1-mut) Siunissaq qaninnerusoq aammalu siunissaq ungasinnerusoq eqqarsaatigalugu piniakkat killilersukkat annertusarniarlugit pilersaaruteqartoqarnerusoq?

Naalakkersuisut qilalukkanut qernertanut, nannunut, aarrinut, tikaagullinnut umimmannullu 2018-imi pisassiissutit decembari 2017-imi aalajangersarneqareernikut aallaavigivaat. Pisassiissutillu pillugit allanngortinneqassanersulluunniit Naalakkersuisut eqqartuinikuunngillat.

Maannakkut uumassusilerinikkut misissuinerit ingerlanneqarmata Naalakkersuisut nannunut aavernullu pisassiissutininik annertusisoqassanersooq siumut oqareersinnaanngillat. Nannunut siunnersuineq nutaaq 2022-imi piariissaaq, aavernullu ukioq manna 2019-imi luunniit naatsorsuutigineqarluni.

Qilalukkat qernertat pillugit siunnersuineq nutaaq tiguneqarpoq martsimilu 2018-imi Atlantikup Avannaani Miluumasut Imarmiut Ataatsimiititaliaani (NAMMCO) suliarineqarluni. Qilalukkanik qernertanik timmisartumit kisitsinermiit nalunaaqutsersuinerimiillu tunngavilimmik siunnersuineq nutaaq Tunumi aqutsiveqarfinnik immikkoortiterisoqarpoq: Tasiilaq, Kangerlussuaq aamma Iltoqqortoormiit, taakku pingasut immikkoortillugit aqutsiveqarfingortillugit, tamannalu mianersornerusumik aqutseriaaseqarnertut isigineqarluni. Kangerlussuaq aqutsiveqarfik nutaajuvoq.

Naalakkersuisut uumassusilerisuniit siunnersuineq nutaaq suli suliarisimannginnamikkut maannakkut oqaaseqarfigisinnaanngilaat.

Tunumi tikaagullit pillugit Naalakkersuisut aalajangerput Nunat tamalaat Arfanniarnermut Ataatsimiititaliansuanut (IWC) ukiuni 2019-2025 pisassiissutininik qaffaanissamut qinnuteqartoqassasoq. Suliaq Nunanut Allanut ministeriaqarfik suleqatigalugu ingerlanneqarpoq, september 2018-imi IWC ataatsimiippat suliarineqassalluni.

Umimmaat pillugit maannakkut Pinngortitaleriffik umimmannik uumassusilerinikkut misissuinissamut pilersaaruteqanngillat, taamaattumik Naalakkersuisut maannakkut siunnersuineq atuuttoq pisassiissutillu aalajangersarneqareernikut aallaavigivaat.

Ulloq: 30-05-2018
Sullap normua: 2018 - 11229
Akt nomu: 7926985

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Timmissat pillugit, Tunumi appaqarfiit maannakkut inissisimanerat pitsaavallaanngilaq, Appalik aamma Kangikajik appaqarfiit 2010-milli ullumikkumut 50% missaannik ikileri-arsimapput.

2-mut) Tunumi innuttaasut amerlassusaat naapertorlugit piniakkanik killilersukkanik qilalukkanik qernertanik aammalu nannunik pisassiisimaneq misissuisoqarniarluni?

4-mut) Peqassuseq inuttussuserlu najoqqutaralugu pisassiisoqarnissaa sulissutigineqarniarpa?

Apeqquut 2 aamma 4 ataatsimut akineqassapput. Pisassiissutit uumasogatigiit nungusaataanngitsumik piniarnermik aallaaveqartumik piniarneqarnissaat aalajangersarneqartarput. Naalackersuisut piniakkanik killilersukkanik uumasogatigiinnut ataatsinut immikkut ukiumut ataatsimut imaluunniit ukiunut arlalinnut pisassiissutinik aalajangersaasarput uumassusilerisunit inassuteqaalit naapertorlugit. Aalajangersaanernut aamma nunani tamalaani isumaqatigiissutigineqarsimasut, pisuussutit piujuartinnissaat ameriartornissaallu siunertaralugu, uumassusilerisut siunnersuutaat, atuisut ilisimasaat tamanullu tusarniaanerit tunngavilersuutigineqartarput.

Qilalukkanut qernertanut nannunullu pisassiissutit uumasogatigiit nungusaataanngitsumik atuinermik aallaaveqartumik aalajangersarneqartarput.

3-mut) Tunumi sineriak piniarfik 1.000 km-iterisut isorartutigaaq, piniakkanik killilersukkanik qilalukkanik qernertanik aamma nannunik kisitsineq ingerlanneqarniarnerluni?

Apeqquut 3-mut atatillugu Pinngortitaleriffik tusarniarneqarsimavoq, taakkuummata kisitsinermik suliaqartarput.

Qilalukkat qaqortat Tunumi takusartakkat maannakkut ikinnermik Pinngortitaleriffik kisitsinissaminut pilersaaruteqanngillakkarpoq. Qaqortat naammattoorneqarsinnaasut sanilliullugit kisitsinissaq akisuallaassaaq. Qilalukkanik qernertanik kisitsinernut atatillugu qilalukkanik qaqortanik ikittuinnarnik takusoqartarsimavoq, nungusaataanngitsumillu piniarnermik pilersuisinnaanissaa ilimananngitsaq.

Tunumi qilalukkanik qernertanik ukiuni 2010, 2016 aamma 2017-imi kisitsisoqarnikuvoq, aamma Nuna Allannugtsaaliugassap imartaani 2018-imi kisitsisoqassasoq pilersaarutaavoq.

Kalaallit Nunaata Kangiata Kujataani 2015, 2016 aamma 2017-imi nannunik misissuinermik suliaqartoqarnikuvoq, pilersaarutaavorlu Kalaallit Nunaata Kangiata Avannaani 2018, 2019 aamma 2020-mi misissuisoqassasoq. Tunumi sumiiffinni aalajangersimasuni nannunik kisitsisoqassasoq 2021-imi naatsorsuutigineqarpoq. Nannunut nunguusaa-taanngitsumik pisassiissusiinissamut siunnersuut nutaaq 2022-imi ilimagineqarpoq.

Inussiarnersumik inuulluaqqusillunga



Erik Jensen

Aalisarnermut, Piniarnermut Nunalerinermullu Naalackersuisoq